

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po zahtjevu privrednog subjekta Pharma Maac d.o.o. Sarajevo, Bosna i Hercegovina o postojanju zakonskog osnova za pokretanje postupka pred Konkurencijskim vijećem

Sarajevo
Septembar 2009. godine



Broj: 01-01-26-676-3-I/09
Sarajevo, 30.09.2009. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta Pharma Maac d.o.o., Bačići bb, 71000 Sarajevo, Bosna i Hercegovina, zaprimljenog od strane Konkurencijskog vijeća dana 10.08.2009. godine pod brojem: 01-01-26-676-I/09, Konkurencijsko vijeće, na 94. (devedesetčetvrtoj) sjednici održanoj dana 30.09.2009. godine, je donijelo

M I Š L J E N J E

Privredni subjekt Pharma Maac d.o.o., Bačići bb, 71000 Sarajevo, Bosna i Hercegovina (u daljem tekstu: Podnosilac zahtjeva ili Pharma Maac), podnio je Konkurencijskom vijeću Zahtjev za davanje mišljenja o postojanju zakonskog osnova za pokretanje postupka pred Konkurencijskim vijećem (u daljem tekstu: Zahtjev), zaprimljen dana 10.08.2009. godine pod brojem: 01-01-26-676-I/09.

U svom Zahtjevu privredni subjekt Pharma Maac navodi da je Zavod zdravstvenog osiguranja Kantona Sarajevo provođenjem postupka javne nabavke proizvoda vakcine protiv virusa gripe za sezonu 2009/2010. godinu, 2010/2011. godinu i 2011/2012. godinu sa sojevima virusa za svaku sezonu, prema podacima Svjetske zdravstvene organizacije, prekršio odredbe Zakona o konkurenciji (u daljem tekstu: Zakon).

Podnosilac zahtjeva smatra da sadržaj navedenog tendera pojedine privredne subjekte dovodi u povoljniji položaj u odnosu na konkurenciju, jer samo određeni privredni subjekti mogu da zadovolje sve uslove tražene navedenim tenderom i da je na ovaj način došlo do povrede odredbi člana 4. stav (1) Zakona.

Slijedom navedenog, Podnosilac zahtjeva traži od Konkurencijskog vijeća da utvrdi da li u ovom slučaju postoji zakonski osnov za pokretanje postupka pred Konkurencijskim vijećem.

Članom 4. stav (1) Zakona je propisano da su zabranjeni sporazumi, ugovori, pojedine odredbe sporazuma ili ugovora, zajednička djelovanja, izričiti i prešutni dogovori privrednih subjekata, kao i odluke udruženja privrednih subjekata koji za cilj i posljedicu imaju sprečavanje, ograničavanje ili narušavanje tržišne konkurencije na relevantnom tržištu, a koji se odnose na:

- a) direktno ili indirektno utvrđivanje kupovnih i prodajnih cijena ili bilo kojih drugih trgovačkih uslova;
- b) ograničavanje i kontrolu proizvodnje, tržišta, tehničkog razvoja ili ulaganja;
- c) podjelu tržišta ili izvora snabdijevanja;
- d) primjenu različitih uslova za identične transakcije sa drugim privrednim subjektima, dovodeći ih u nepovoljan položaj u odnosu na konkurenciju;
- e) zaključivanje takvih sporazuma kojima se druga strana uslovljava da prihvati dodatne obaveze koje po svojoj prirodi ili običajima u trgovini nisu u vezi sa predmetom sporazuma.

U skladu sa članom 27. Zakona zahtjev za pokretanje postupka pred Konkurencijskim vijećem može podnijeti svako pravno ili fizičko lice koje za to ima pravni ili ekonomski interes, privredne komore, udruženja poslodavaca i preduzetnika, udruženja potrošača i organi izvršne vlasti u Bosni i Hercegovini.

Takođe, članom 28. Zakona je propisano šta sve zahtjev za pokretanje postupka pred Konkurencijskim vijećem mora sadržavati.

Da bi se utvrdilo da li postoji povreda odredbi člana 4. stav (1) Zakona mora se pokrenuti postupak u skladu sa važećim propisima.

Ukoliko Podnosilac zahtjeva smatra da su raspisanim tenderom povređene odredbe Zakona može podnijeti zahtjev za pokretanje postupka pred Konkurencijskim vijećem u skladu sa ovim Zakonom, o kojem će odlučiti Konkurencijsko vijeće.

Predsjednik

dr. Stjepo Pranjić